

續修四庫全書

《續修四庫全書》編纂委員會編

續修四庫全書

上海古籍出版社

一六八九・集部・總集類

江西詩徵九十四卷附刻一卷補遺一卷（卷四十二至卷八十五）

〔清〕曾燠輯

.....一

江西詩徵卷四十二

南城曾煥賓谷編輯

明

沐英

英字文英樂平人青籍定遠隨明太祖起兵賜姓
朱氏後爲開國元勳封西平侯復姓沐及卒追封

黔寧王

贈掌記劉彥昂之東阿

大府多軍務頻年案牘勞趨廷宮漏轉簪筆殿香飄柳外
流鶯語花邊立馬驕莫嫌州縣職漢業說蕭曹

劉彥昂

江西詩徵 卷四十二 明四

彥昂名炳以字行鄱陽人元季兵亂往依余廷心

尋辭歸明初獻書金陵留贊帷幄久之命叅沐英

軍尋授廣武衛親軍指揮使司知事復徵大都府

掌記補知東阿縣引疾歸有春雨軒集

待渡溪濟寫懷

愛花如夢少年狂雲鬢驚銀百寶粧三日醉眠金帳底春

衫渾是麝脐香

畫船曾駐渡頭西翠黛凝歌憶送歸今日不堪重繫纜滿

汀烟樹昔人非

繁華雲物都非舊一片寒沙臥夕陽唯有壞垣春雨裏野

花猶似美人粧

桃花扇底春風面一曲吳歌一斷腸紫陌紅塵多少夢
絲贏得老劉郎

郊居雜興東陳遂良

桃李漫成蹊茅堂習隱栖泉聲溪碓急山色野墻低相領
原非燕園腰底用犀不嫌生理拙抱甕灌吾畦

風雨行人少柴門午尙扃土花沿砌碧山果墜枝青病眼
耽書癖衰顏托酒星經邦方上武寂寞抱遺金

寄徐指揮

報國功成鬢欲蒼承恩分節下南荒劒磨鯨海遺腥血馬
渡龍沙帶戰瘡頒宴晚沾仙掌露賜衣春帶御爐香信陵

門下今誰在萬里雲霄一羽翔

江西詩徵 卷四十二 明四

和都督馮公韻

鳳城宮闕倚蒼山虎衛旌旗拂畫闌輦路霜清梅破臘御
溝波暖柳欺寒青雲每愧班超筆華髮應慙貢禹冠未信

壯懷渾寂寞錦衣鞍馬出長安

寄許永明公冕昆年得夫先生

少年曾共請長纓雲壓旄頭劒氣腥諸葛有心扶漢室包

胥無淚哭秦庭九鰲夜徙龍沙黑八駿秋迷鳥道青一別

關河俱白首斷腸烟樹滿長汀

和九日韻寄朱兒中

野樹荒臺帶晚陰昔年歌舞憶登臨桃花紈扇西風冷蔓

草銅駝夕露深舊夢青雲連館閣多情華髮老山林江南

庚信傷秋倦疎雨簷櫳怯暮砧

憶從天上晏黃花烏帽秋歛鬚影斜宣賜官壺香注蟻醉
簪絲筆墨塗鴉雲連雉尾開金闕日射鑿輿引翠華退食
從容休沐早短屏驚雨夢還家

春夕直左掖懷周侍御

晚雨池上晴透迢淡將夕金莖華月生綺樹流雲濕窗虛
漏聲永幄捲爐烟襲憶我同袍人何由共瑤席

別京邑之東阿

前年別鄉閭今年出京邑悠悠去江漢杳杳處行役所懼
心志遒况此風波急烏啼楓樹烟雁下蘆洲夕回首望長
安蒼茫寸心失

江西詩徵 卷四十二 明四

出塞

九重頒鳳詔單于入井陘三邊徵候騎五道出奇兵戰雲
連黑陣烽煙照漢青蛇文弓掛月龍氣劒流星酬恩不顧
命金印斗來擎

入塞

旄頭昨夜斂徵兵入漢關將軍定勲業壯士悲刀環旌裂
雕雲畫衣穿龍錦團積月老鄉淚風沙銷箭瘢閨中謾歌
舞今日到長安

獨處愁

金屋人稀到閒螢去復回攬衣離鳳閣絨思捲鸞臺惟有
多情月流光入妾懷

子昔與孟思魯參戎事于三衢監司宋公幕府及兵
潰得閒道還鄉遂歸休之志故歷敘之

嗟嗟漢燧昔沈耀橫流板蕩迷中畿鬼母啼煙赤電走天
狗墮地金星飛志士勤王涕沾臆義旆懸雲昭白日劒擊
風雲向夜悲荷誓山河仰天泣君當少年功節殊短衣倒
騎生馬駒蠻屨草檄墨慘淡賣刀破血腥糗糒奏凱對花
歌竊寔量沙臥雪宿瓊璫運籌制勝管輕敵凭軾降城不
顧軀幕泛碧油陳雅樂漏殘銀燭合兵符孤軍轉戰輕千
里蕭條榆塞塵沙起秦樹關河落日低漢營鼓角西風裏
嫠女妖氛壓瓊樓嚴灘殺氣連重壘羽書援絕鬪兵稀古
道行人畏瘞藜霜銜白骨飢鳥下秋入金瘡敗馬嘶虞姬

江西詩徵 卷四十二 明四

四

帳下將軍死公子門前壯士歸去國其憐王粲賦望鄉同
擬杜陵詩壯志無成還故里城西茅屋苔痕紫鉤簾聽雨
更焚香拄笏看雲時隱几自信胸澄渤海清寧憐氣與嵩
華倚破浪誰擒北海鰲穿林亭射南山雉笑傲行將下澤
車經綸懶取圯橋屐草荒三徑掩衡門舊事相逢不忍論
兩鬟繡塵銷歲月一雙蠟屐信乾坤湘上雨晴飛落木與
子登臨散雨獨杖藜出郭蹋平沙一笑尋僧看修竹

七夕對月懷藍胡之黃彥美蔣師文先生

碧梧金井生早秋北斗斜掛銀河流鵲橋靈車儼若渡織
女有約期牽牛古傳此事不可詰五雲彷彿問笙球翠衣
舉酒酌明月起舞舞激烈心悠悠但恨玉兔鳴靈藥不能醫

此萬古之間愁眼看明月年年好古人已先今人老今人還是後人哀綠鬢朱顏豈堪保自憐年少心志狂赤手直欲攀扶桑琅玕披腹扶雲漢擬治堯舜垂衣裳豈無蒼生待霖雨命與時蹇空昂藏棄官歸來守鄉土破硯凝塵百無補時令引領送飛雲雕鶚當空秋一羽今年種豆南山阿斜日荷鋤仍浩歌木葉脫落霜露降時不我延將奈何明月擬結溪頭屋亂石環牆種修竹扁舟載酒弄滄浪看雪尋梅剡溪曲

見月行

白憐少年不識月疑是明鏡飛上天但看三五二八夜彎彎缺缺仍復圓悲歡離合每對此風雨陰晴經幾年壯強

江西詩徵

卷四十二 明四

五

已過今老大俯仰嬋娟不勝慨也曾對月客長安塞驢破帽西風殘砧聲蕭條夜向夕劍影錯落秋生寒也曾對月琴樓夜春寒珠箔梨花謝金釵扶醉催曉曉翠被留香暖餘塵也曾對月抱遺經燈火繩樞掩草亭蘂蘂結冰寒走盡芸廳露下晚收螢也曾對月榆關戍百戰沙場士爭死金瘡臥馬瘴烟青玉帳盤雕陣雲紫也曾對月泊瀟湘商賈淒涼野店荒菰米黑沈烏啄雪柳條翠減雁啼霜也曾對月東華道影轉金莖閨闔曉玉殿承恩出苑遲瓊林待宴簪花早衰病歸來百不成煙簑雨笠學躬耕壯心寂寞吳牛喘倦翼剝零野鵲驚每慚泛清袁宏詠那復登樓庾亮情飛蓋清園歌已遠乘舟赤壁夢何憑月色不殊人自

改搗藥惟應免長在寒衣弔古倍增悲長跪臨風獻青辭朱顏易去不復來一日一醉能幾迴昨日少年今日老且須置酒登高臺桂花吹香白露下莫惜爛醉黃金罍舊遊豈無歌舞地銅駝白骨迷蒼苔前人已往今還昔今人寧無後人憶後人復遣後人哀月落銀河瀉空碧

金銅仙人辭漢歌周伯寧同賦

漢家黃金如土積鑄作仙人一千尺緱氏山頭曉日紅太乙祠前露華碧琉璃凝彩翦雲漸玉屑無痕浸寒月安期日日候神仙王母朝朝見鳧舄千門萬戶建明光上苑南山繞白梁春滿甘泉千樹綠波涵太液百花香白麟朱雁呈祥瑞寶鼎芝房薦樂章詔遣衛青將驃騎使通司馬拜

江西詩徵

卷四十二 明四

六

中郎侍邊親駐狼居外出塞兵藏馬邑旁龍馬錦韉來上谷蒲萄銀甕出西涼李陵臺畔西風冷蘇武坡前落日荒暮年始下輪臺詔思子宮前雙淚繞壯志淒涼天下悲巡幸東從海上迴封禪無成還碣石長生不復望蓬萊鼎湖龍去秋蕭瑟金鳧銀雁燈如漆空遺弓箭慘無神青龍使者宮車出萬牛如山千里來老淚裂背銅仙摧前車未收後車轍昔人不盡今人哀傷心秋草茂陵苑又見東風銅雀臺

題李陵蘇武泣別圖

臣有千古哀覆水一去難再回臣有三寸舌染絲一黑難再白丈夫瓦裂聲名虧漢不我待將安爲吞聲長哀送蘇

武忠肝惟有青天知烟沙蕭條歷冰雪心事淒涼淚成血
誰憐魂魄老烟塵空有丹心瞻漢闕日斷關河夕照迷茂
陵烟樹草萋萋將身不似雲邊雁猶得年年故國歸

明妃曲

胭脂馬雕鷹旗狐裘蒙茸金絡羈白玉作鞭雙袖垂手抱
琵琶紅淚滋黛雲半驪顏如玉春嬌學得蛾眉綠自擬將
身籠漢宮誰憐薄命歸殊俗窮陰絕漠易悲辛落日哀笳
處處聞嚴霜夜鏢關頭月朔氣寒飛磧裏雲鴻雁蔽天斜
作字駱駝連塞動成羣漢家君臣亦良苦却將紅粉和戎
虜廟堂內食列重裯汗簡如何照今古妾身分得君王憂
萬死風塵心亦休腸斷年年邊地夢心懸日日漢宮愁百
江西詩徵 卷四十二 明四 七

行路難

奉君五彩鳳凰之綺幄七寶鸞鷟之錦牀博山氤氲之水
屑金盤沉瀝之瓊漿春風無情不相待朱顏綠髮年年改
姑蘇臺上鼓如雷四時歌舞百花開當年意氣今安在鬼
火如燈秋似海

河中之水歌寄劉子雍程伯羽

河之水向東北洛陽女兒好顏色八歲畫蛾眉九歲自裁
衣十歲學識字十一拋梭攀錦機十二刺繡紋十三能賭
棋十四彈箏篴十五纔上頭鬟偏斜戴金團鳳臂弱不勝

珠絡繹羅幃睡起傷春瘦畫閣妝成對日羞十六妖嬈解
歌舞容色比花花不語扶持生怕下墻行三寸春嬌雲一
縷行媒將聘嫁周郎桂柱蘭堂錦作房比翼鏡奩粧玳瑁
合歡裙帶繡鴛鴦茱萸露濕珊瑚枕蘇合香薰翡翠牀生
憎啼鳥催春去不忿啼鳥怨夜長杯成連理生何幸釵合
同心死不忘眼前節物年年度只恐芳華不相顧南陌芙
蓉午夜霜東園桃李三春雨君當爲妾秉燭遊東海爲臣
糟作邱妾當爲君金鑊誣春風莫遣人間愁

寒食客秦淮憶舊

去年寒食長途客桃花落盡梨花白今年寒食客秦淮杏
花李花無數開東風凋殘白羽箭落日獨倚黃金臺縹緲
蕭騷吹病目破帽烏靴泥濘漉漉藜杖東山弔謝安悵望飛
雲仰天哭淒涼心事更誰憐綠綺可以調絃絃子期已矣
伯牙死高山流水空荒烟王孫不歸芳草暮解衣沽酒驅
愁去誰言一醉可消愁酒八吾腸肝膽露便擬揚帆析木
津仍期挂劒扶桑樹志士長歌溝壑憂功名百歲等浮漚
雨晴浪暖沙豚上載酒滄江弄釣舟

寄徐宗周兼柬楊與文阮宗泰

李家池頭去年別大風揚沙天欲雪贈我鯉魚三十腮楊
柳穿來帶寒血今年八月芝山樓我欲少住君不留蹇驢
落日月秋暑鬚絲汗溢黃塵流近過阮公茅屋底說君沉
疴幾不起九月十月方離牀強健近來差可喜相望片雲

老石山來往每嫌消息與斯文凋謝少知已恨不連牆相
往還卻憶少年從義日間難不眠追祖述殺敵風吹寶劍
腥打圍雪壓雕鞍渴諸葛曾懷漢室情包胥亦有秦庭泣
投老相看四海清夙昔患難同離情歸來廬井有桑梓拜
掃邱墓除榛荆傳家書在晚還讀負郭田深春自耕愛君
窗前修竹大聽雨何時對牀臥卻扶藜杖過楊兄使酒怕
渠將罵坐氣概頗與常人殊天經地軌談陰符黃岡溪頭
懶垂釣未央殿前思上書功名定有國士報肝膽好將民
瘼蘇黃金臺高一千尺白日橫飛虎生翼呂望八十方致
身五十富家朱買臣時來助業自有待豈得甘作漁樵人

次秋口韻奉汝弼叔

江西詩徵 卷四十二 明四

九

墨池秋淨水痕澄曲几焚香袖手憑霜殺柳條清栗里雨
荒瓜蔓覆東陵戰餘趙壁車還列說下齊城軾獨凭因憶
少年隨驃騎西風笳鼓醉呼鷹

三徑歸來菊未荒半凋楊柳弄春涼銀屏統扇題秋句金
鴨羅衣換夕香老憶風雲趨北闕夢無花月待東牆狂遊
尚記秦樓別翠袖紅繇拭淚行

崩城操

朝從城上哭長城與雲齊暮從城下哭長城化為泥嗚呼
城崩兮猶可築夫君死兮百身莫贖

得漢彝簡周伯寧索香灰

古彝多款識蟠螭篆存黃金銷土色翠羽飲雷文綺席

流寒月銀屏度綵雲蘭灰能裹寄長吟盡夜分

憶園廬

種園在東臬草荒瓜蔓長日落秋樹涼褰衣獨還往時逢
野老憇自足田園賞公溪暝忘歸古寺煙鐘響

哀傅子初

柴門對青山茅屋俯流水伊吾夜無眠寒燈墮紅蕊聲名
一朝振車馬動閭里書臺懷暮煙過客猶仰止

哀辛好禮

王風委蔓草大雅何微茫嗟哉逮梁宋孰能繼虞唐鸞鳳
著文彩雲漢昭天章九原不可作悲風摧棟梁

哀蔣師文

江西詩徵 卷四十二 明四

十

道南萬書樓文藻冠閩土早起揭文安子史深汲古束帛
賁丘園高臥守環堵便便五經腹皓首心自苦

哀周伯士

陰洞懸乳泉石沁古苔峭紺粉落秋江芙蓉澹斜照孤吟
白日晚聲嶂元猿叫高懷誰與倚天風遞長嘯

哀趙子常

晨樓歛山青暮汲歛水淥閉戶動一紀守道不干祿平生
春秋傳疑義如剖竹哀哉青城翁心喪三年哭

哀高季迪

閨閣門前樹烏啼華月圓詩吟倚樓上午鼓未成眠翠袖
添瑤鴨烏絲寫粉箋每懷一經讀念鸞鏡感芳年

哀方方壺

蓬萊五雲宮金粉飾椒壁醉時臥瓊瑜酒醒灑墨汁傲世
雙眼高鬼谷白雲濕玉堂寄書來落月夢相憶野鶴弔孤
松哀螢照荒陌

哀黃季倫

折節委榮寵顧將生死齊秋荷補壞衲空林旅幽淒懸燈
禮繡佛清齋烹露葵虎溪流古月自與遠公期

哀葉楚庭

船頭酒百壺船尾書百冊間騎桃花馬醉弄西湖月狂吟
捲秋詩聲撼扶桑折滄海無還期哀魂楚雲結

哀吳用晦

其祖月灣先生也

江西詩徵

卷四十二 明四

十一

滄灣俯空寒老月懸古色殘花漂斷沼野徑繞荒宅王珣
稱短簿牙笏猶故澤文藻遺江山蒼茫暮烟隔

東武吟

壯年投筆去手提三尺筆戎衣纔至尉短劔光陸離國士
每自許獨賴相公知解衣衣我寒推食充我飢心懷犬馬
報未有涓埃施十年在幙府徒將文墨持前星一夜落天
地黯無輝功勛都若夢部曲各分違春草門前綠空遺樵
馬嘶月痕弓尚掛雲影施猶垂霸氣風雲散姓名誰復題
落日將軍樹涼過客悲長哀波浩蕩不盡淚如絲

桃葉寺

桃葉青青杏花吐樓頭吹笙教鸚鵡紅牙象鼓按梁州金

縷衣裳美人舞離情不似月常圓桃葉青青似去年美人
不來鸚鵡怨杏花零落畫樓前

雙桐生空井

井上雙梧桐秋風易搖落綠葉墮鳴璫清陰捲重幄紋愁
生旅葵銀瓶響空索疎枝覆烏臺交柯臨鳳閣美人矜容
儀照影傷今昨鉛華逐波逝歡賞隨年薄行客攀轡輶哀
聲隔簾箔

燕子樓同周伯寧賦

寶瑟凝歌繞珠箔流蘇結帶黃金索翠紅香裏宿鴛鴦春
風人間無此樂杏梁塵暗麝蘭篝黛鎖眉峰掩畫樓燈殘
枕冷梨雲斷秋雨人間無此愁

江西詩徵

卷四十二 明四

十二

寒夜怨

月來愁亦來心憐月去愁應改樓高月轉遲停筇坐倚熏
籠待月落却成眠誰知枕冷愁仍在

經撫河遇雪舟中睡午方起

沙溪風寒飛雪狂風大不敢開篷牕蒙頭裏被睡過午忙
底浪急聲春撞岸上楓林茅屋小新年家家無米糴土甕
作炊烟滿船灰壓濕薪蚯蚓叫山僮不惜途旅艱靴綻衣
薄雙眉攢艱難末路乃如此富貴有夢真邯鄲卻憶瓊林
侍宮膳雪花不入黃金殿酒上朱顏萬國春花簪烏帽千
官宴錦綵彩筆賜題詩仙仗頻移出苑遲衣惹御香羅袖
窄馬蹄歸踏杏花泥

弔晉安將軍歌

荔枝城頭花簇簇王孫不歸春水綠黃金臺前烟草荒傷
心獨倚青雲哭淚灑鑾江江倒流楚魂暮咽楓林秋蕉黃
醕綠湘竹語峴山石斷行人愁信陵門下簪纓會珠履
前幾人在軍中擊鼓夜不眠珠翠成行鳴劍佩王孫王孫
真貴人落筆龍蛇驚鬼神千金散土馬蹄盡鉄甲盡臥雙
麒麟桑柘陰陰連大路野市書聲晚當戶部曲悽涼白髮
稀甘棠猶指將軍樹玉鳬金鴈漆鏐殘化鶴千年何日還
有酒誰澆趙州土碧血化雨苔斑斑王孫王孫不可招仰
天擊碎青桐瑤寸心何處寫哀素江上年年生暮潮

承承堂爲洪善初題 善初三洪諸孫

江西詩徵 卷四十二 明四

三

天狗蝕月歲靖康血戰于野龍元黃神鰲夜泣九淵沸翠
華日薄寒無光主憂臣辱誓萬死直以隻手支扶桑燕山
六月雪花大節旄雲落飢膚傷關河蕭條月色苦秋風揚
沙吹鴈行子卿歸來典屬國茂陵樹老愁雲荒至今勛業
昭簡冊大書特書遺典章承承堂前春畫永牙笏金魚堆
滿床芝蘭玉樹競娟秀陶令松菊凝秋荒盈缸釀酒介眉
壽槐陰覆堦萱草長忠宣盛澤實且美宜爾子孫宜爾昌

題方壺畫爲斯貞姪賦

巨然畫與書法同縱筆所至生秋風墨飛原氣瀉沉澁青
摩斗角連陸岫遠岫平林斷還續苔根斜迸山泉綠釣倚
丹楓野老磯門垂碧柳幽人屋壺公騎鯨白雲鄉蘆樹綠

泣烟草黃風流文采今寂寞對畫泪痕沾我裳

題蔡宗文趙氏譜牒後

苔連椒壁雲痕濕霓旌無色金仙泣杏花依舊落胭脂梁
苑凝烟春草碧相逢彷彿說前朝譜牒香遺古錦幃前代
王孫今老矣天潢如髮際雲濤

漢之季

哀故御史余公闕守舒城死節而作

漢之季洪流何湯湯赤子爲龍蛇蔓於漢以淮割我城邑
圖不祥天子曰嘻子何以奉宗廟朝羣臣登明堂曰子近
臣御史闕咨爾撫師古舒國闔以外爾制之賜爾三百衛
士斧與節毋黷民毋究刑苟附而安文武并用禮之經臣
闕昧死頓首泣主憂臣辱敢不力御史騎馬來萬姓淚落

江西詩徵 卷四十二 明四

四

喜且悲子我塗炭民漢官威儀今見之東市牽牛羊西市
羅酒漿紛紛列道左御史下馬相扶將論以天子聖且愛
明見萬里外宵旰不遑食兵爾飢爾苦顛沛御史雖愚頗
知忠與慈惟爾患難相扶持鼓爾鼓旗爾旗疾則疾徐則
徐壯者戰守老者居俾爾農桑毋奪時桑青麥茫茫牛
羊走邱墟御史城上行茅屋人家聞讀書以心感人心敵
至輒敗不敢窺城東啼虎豹城西嘯熊羆黃攻始退山
越什什伍伍來相聞裏巷戰城南吮血戰城北大船小船
捍江列嗟城中如流魚御史奮臂城上呼悲風揚塵沙起
白日無光士爭死廩無粟士氣衰朝食城上草暮煮城下
其病疫相枕何流離御史斬愛馬士卒不忍食日久援不

來矢盡兵殘，危迫泉騎死。野戰烏鳶銜肉，流尸殪孤城。
坐殄瘁，上山地道不可當。御史誠不德，握手謝父老。爾民
多殺傷，御史登城北。面拜稱臣萬死無，以報陛下闔室竟。
與城俱亡。楚山蒼蒼，楚水洋洋。御史之節功烈顯彰，天之
奎壁地之河嶽，人之綱常千載弗渝。日月普光，誰能置廟
復立社享爾祀。爾百世及天下。

潯陽行

江頭女墻啼野鳥，亂石如墨驚濤呼。潯陽九派控吳澤，匡
阜千峰迴楚墟。當時形勝夸疆土，連雲宮苑旌旗樹。庾亮
樓船赴國仇，鄢王版籍歸英主。盛年一去水流東，冠蓋繁
華處處空。兩岸蘆花侵明月，滿汀烟樹鳴秋風。古戍何人
江，吹笛各船莫向城邊繫。翠袖琵琶夢已寒，青衫易灑天
涯淚。

江西詩徵 卷四十二 明四

五

過南湖寄

城頭開船北風起，帆輕直過南湖驚。上水歡呼下水嗟，龍
王廟前准燒紙。小婦攀轡楊柳磯，淮鹽換得鰕魚肥。沽來
新酒不成醉，臥聽隣船歌竹枝。

義士歌

番陽胡公字振祖，當元之季以義起兵。尅復郡治，
紀功授饒州府判。後從官軍轉戰至浮梁，與敵相
拒，糧盡矢絕，義不辱憤，罵以身死之。鄉貢蔡淵仲
先生爲之立傳，予作歌以表其節。義爲至正甲午。

也

崑崙畫裂黃河決，京畿地毛白於雪。鬼母啼秋天雨，魚武
庫兵鳴劍飛血。黃屋播越烟塵張，四海感激思勤王。鄱陽
胡公軀七尺，義旗塞路寒無光。爲肩火色萬里壯，虎氣電
目千夫強。城頭陣雲壓，鼙鼓醺酒椎牛，題露布破釜沉船。
曉更征囊沙壘水，宵還渡萬乘千旗，驃騎營轉戰直薄浮
梁城。孤軍糧盡朝餐草，閒道人稀夜煮冰。鐵甲照霜弓影
曲，寶刀磨月水痕腥。旄頭芒射前星落，恃勇驍騰身不却。
淒涼馬革裹屍歸，誰復聲名寫麟閣。郡侯紀績筆如椽，父
老相傳泪泫然。三尺荒墳何處是，忠臣後代子孫賢。

瓊姬墓宋仲珩同賦

江西詩徵 卷四十二 明四

六

野花凝粉鉤瓊姬，醉時面夕露。柳絲長瓊姬晚黛收，行人
墳上莫回首。一顧春風一斷腸。

田家樂寄張師孟

田家樂今年，庄農好秋作。鰲龍蛻骨枯，橡懸五穀成。登時
雨若官家更憂民，力疲公田折布能輕齎。小姑攜筐懶梳
洗，拾得綿花如雪肥。大姑軋軋催機杼，疎簾樹影寒蛩語。
蟹雲籠霧颺西風，眉月生涼褪秋暑。山徑牛羊下夕墟，蕭
蕭榆柳草堂虛。野老杖藜邀小酌，請孫燈火讀殘書。

題朱澗榮卷

遙峰連碧磻，茅屋俯青林。徑晚花粘屐，松寒雨潤琴。酒甘
和菊釀，詩苦帶茶吟。卻憶文園老，歸來雪滿簪。

夜直呈翰林諸友

中使傳金鑰嚴兵戒紫扉
月高旂影直風急漏聲微
驚龍燭螢開綴鳳幃不眠瞻北斗拜舞敢遲違

青樓曲劉子雍胡伯清程伯羽同賦

畫闌落盡絳桃花依舊尋芳小
徑斜鬢黛壓釵金有軍臂
酥凝釧玉無瑕三千弱水波清淺
十二巫雲樹碧遮郎馬
不來春已暮淚痕香斷濕琵琶

繡刺鴛鴦午睡長體嬌無力
浴蘭湯生憎寶鏡鴛成匹
死恨銀箏雁作行舞罷梧枝低
拜月歌殘桃葉懶添香愁來
自學秦宮女簾底吹笙引鳳凰

楚腰纖細錦纏頭秋怯珠簾半
搭鈎雲戀陽臺雙作夢月

江西詩徵卷四十二 明四

七

生湘浦獨成愁鸞梭折齒花粘
髓螺粉添眉柳帶羞鴈過
碧天書帛斷誤教人倚小紅樓

寒鎖粧臺粉怯勻步蓮金小不
生塵徑迷花雨鶯鶯月枕
壓梨雲燕燕春衾剩半床閑
翡翠釵分一股擘麒麟玉梅
好似郎顏色只見東風不見人

旅中除夕簡劉子憲助教張左司

窮煤凝鴨鎖牕虛處衛嚴城禁
漏疎鄉夢牽情千里遠客
愁隨臘一年除酒痕釀暖春連
紫梅粉吹香晚近廚自寫
桃符燒短燭壯懷那厭食無魚

早春呈吳待制

上林春早陌塵香紫禁鴈殘射
日光新綠御河搖柳黛小

紅宮樹試桃粧山連曉氣蟠龍
虎臺枕東風憶鳳凰心折
故園幽興獨尋僧看竹過隣墻

春寒寄魏居敬

上苑春寒花信遲東風不放鎮
帷犀柳塘沙冷迴鶯夢草
閣梁深落燕泥苔蝕井桐蝸
觸角簞蓮香炷麝凝臍典衣
剩欲銷塵鬢暖日城南信杖藜

寄賈文彬巡檢

故人爲別動經春野渡維舟送
夕曛銀燭照牕秋聽雨角
弓懸壁晚看雲山城旗影中
流見草閣書聲隔岸聞江漢
茫茫多舊識猶能俎豆說將軍

呈西平侯沐公

江西詩徵卷四十二 明四

六

股肱竭力定皇都開國功成與
衆殊玉帶朱纓持虎節翠
支金鉞護龍車秦闕柱石風
雲會漢室山河日月扶慚愧
腐儒無補報得從門下曳長裾

寄表弟朱永容永寔昆季

渭陽河畔畫樓西紅粉闌干柳
樹齊牕底折花騎竹馬街
頭籠草闌山鷄銀屏褥隱鴛
鴦並綺戶香凝翡翠栢回首
繁華成舊夢對床今雨不堪題

燕城懷古

廣寒宮殿玉爲樓萬歲鰲峰壓
九州番國胡僧青鼠帽天
魔宮女綵龍舟鈎陳蒼闕山
南拱太液紅橋海北流唯有
瀟瀟薄上月年年鴻鴈不勝秋

拜外舅陳公禹謨墓東陳原輔

貳館東風憶昔年笙歌如沸酒如泉麒麟錦帳銷銀燭孔雀雲屏列玳筵井塌銅瓶渾臥雨香闌瓊佩已迷煙傷心孤塚楓林外寒食殘花墮紙錢

鄱城歸舟同何希憲共載劇談悲歌有感

霜落長河見遠洲天晴歸棹喜同舟青連碧樹山回轉白湧寒沙水倒流弓影浮杯疑老病鷄聲牽夢動離愁英雄過了前三十晚景桑榆愧白頭

同周伯寧連榻劇談悲歌有感

醉來振劍斫珊瑚嬾向候門更曳裾夜半聞雞眠不著草堂秋雨讀陰符

江西詩徵 卷四十二 明四

九

聞魯志敏訃音

故國猶傳箭中原未解戎遙聞故人死雙淚落秋風

秋詞

廣寒樓閣玉爲梁月裏姮娥百寶粧流水莫題紅葉句人間天上隔宮牆

題葉楚庭醉漁卷簡彭敬宗劉子原子載子明

落盡荼蘼草覆裯二分流水一分塵小車都載鵝黃酒蘇小墳前醉過春

泊瓜洲懷舊寄顧利賓王又新隱居

潮聲月色滿江船回首春風十六年憶得石橋楊柳巷珠簾銀燭聽歌眠

簡周伯寧

漂零書劍愧無成日夜秋風白髮生倘得黃金三萬兩肯將籌策讓陳平

東湖憶舊簡劉子雍胡伯清汪宗爨

蕭家巷口花如霧紅粉闌干酒旆斜記得少年曾繫馬如今無樹可啼鴉

離懷寄汪宗爨楊孟瑄魏居敬

垂垂江雨作春波江上行人晚唱歌莫遣青燈照衣袂酒痕不似淚痕多

暮春寫懷

晴雪飛綿柳樹斜雨餘紫陌淨無沙春衫日日騎官馬兩袖東風看落花

江西詩徵 卷四十二 明四

十

秋詞

紫電宮嬪曉貫魚靜鞭當殿肅金吾近臣知道天顏喜東殿疏凶有諫書

涂穎

穎字叔良進賢人元季遊京師不遇僑居金陵從學於余廷心楊顯民程以文龍鳳時爲中書典籤太常博士

秋夜和黃典籤

遙夜天宇迴閒軒坐前楹月華臨水動涼風滿庭生屢惜元景至悟茲虛歲清疎星明玉闕委露瀼金葉流序條將

邁嘉朋紛遠征微才旅羣彥鳴珮集玉京文詞資麗澤
馨感同聲非比江湖客馳心搖遠旌

題山水圖

憶昔溱陽八月歸北風吹雪灑秋衣槍竿嶺上停車望萬
木蕭蕭落葉飛

上京次貢待制韻

海風吹雨度龍沙滿眼金蓮紫菊花日暮笙歌何處起高
低穹帳五侯家

蓬萊仙子學長生羣帝朝天絳節迎昨日六龍迴北極雲
裾霞佩集灊京

竹宮宵宿秋風晚芸閣沉沉晝漏稀獨有蕃僧承詔龍紅

江西詩徵

卷四十二

明四

主

衣白馬退朝歸

閬山雜詠

樵溪折折入冰壺雪壁仙人自有無解道紅泉如可問此
生期作掃花奴

赤烏碑仆事難憑碧瓦年深裂作冰自是神仙香火外不
緣風雪斷香燈

冰天壓屋四無聞江樹連峯總化雲但得瓊漿換毛骨直
將人世葬書焚

羽衣謾謾勢如煙仙錄無人得秘傳今日雲孫化巫祝當
年箇箇變葑田

流珠久閉杳難逢石室纍纍尚有蹤明月在天人在雪三

更私自禮東峰
側聞咳唾成珠易驚見梅花化石難香處欲尋尋不得一
簑風雪過橋寒

玉篆中分斧劈痕人言雷火掣天門石蓮一解風開落十
丈今無一瓣存

衣裙忽滅東峯頂雞犬難從半睡中弟子無聞丹竈冷空
留瀑布響天風

飛禽竊食語通靈峯頂猶存藥臼形束手摩挲無所得長
生惟有石苔青

露盤直瀉上池水玉桂高搖碧落煙雁宕匡廬甲天下無
人來看第三泉

江西詩徵

卷四十二

明四

主

峽山寺

峽雪匝冰泥春氣不得上竹柏結高寒寺門闕青嶂泉從
東峯來神丹有遺響飲者不知功齒髮日加長

吳宏

宏字德廣鄱陽人元至正間項普壽陷饒州宏起
義破賊衆多附之陳友諒授宏平章守餘千後奉
圖表歸明從太祖征有功拜中書左丞參贊徐達
軍至秦州卒

松石窩徐宗別室

長松窈窕石崔巍隱者深窩紫翠堆夜半風聲搖渤海春
深雲氣擁蓬萊白羊化處蒙蒙苔起元鶴飛時帶月回莫道

山中尊獨美湖邊亦有釣魚臺

周 湏

湏字伯寧鄱陽人與李宗頤劉原善辛敬萬石楊伯謙輩稱江西十才子明初爲大理寺丞詔偕李善長等定律令累擢至刑部尙書降惠州經歷卒

按明詩綜作江寧人茲據通志收入

始發建業登龍江山祠感懷有作

去國思舊遊尋山發幽眺遙凌天門石恍對臨海嶠神關列雄鎮危堞抱遺廟秋陰散氛翳炎景扇餘燎天水遠白空雲霞近爭耀客行始多感世事紛難料同俗豈素懷趨時固殊調既爲達士恥復被逐臣誚行矣庶無欺忠信將江西詩徵 卷四十二 明四 重

舟中望九華山

貞履無素期勞生意恒窘誰云戒戎路曾是返初隱水宿淹長暑山行阻修吟縹緲對雄標嶺岷發奇蘊巖回氣如嶺峰去勢猶引刻削冠青蓮雕鏤盡丹笏岷霞上斑剝石乳下礪礪山鬼從文狸淵震閭元蜃睠言志蔡藿未遂采芝菌卽事情已悲懷賢迹俱泯潛吳媿梅福去汶羞閔損人德險未夷天道明可準皇蘭豈徒歆巖桂方未隕歲暮山中人寤歌候歸軫

賽小姑廟

奇秀凌華嵩標奇莫准楚陽關啟神闕陰沉開永府林林

聚商舳淵淵聞戍鼓陳琴會安歌傳芭紛代舞椒漿旣芬潔桂櫂方容與日暮懷歸情含涕望修渚

題營邱山房

周室疏封後齊疆啟國初流風看後裔形勝想遺墟水合如分魯山回似入徐路疑登岱處溪擬釣璜餘紅樹臨關近青蕪際海疎徵賢方奏頌何暇賦閒居

劉 潤

潤字潤芳廬陵人讀書工醫與吳宏周湏友善

武陵送客

江亭欲別意綢繆來送扁舟到石頭暮景自知能幾會清時未卜轉多愁聞闕求友林中鳥蕩漾相親水上鷗覽物江西詩徵 卷四十二 明四 重

珠湖夜泊

兼葭露白雁驚寒獨對蓬窗夢已闌水面天開纔尺五海門月上欲三竿側身宇宙傷多難垂老風波苦未安卻憶江亭嘗燕坐看人舟楫犯狂瀾

章 綸

綸字子魚餘干人傭傭養母業卜筮年二十九始讀書嘗以詩謁虞揭諸公至正末起兵拒紅巾賊陳友諒陷江西吳宏辟入幕不就入明爲州學教授卒

羊角山房爲杜隱君作

羊角山峯羅紫翠結廬高隱俯浴洲丹從澗上龍來問設
付林間虎爲收香霧滿窻紅日曉玉光橫几白雲秋東華
長有尋仙者珂珮鏘鏘到上頭

許瑗

瑗字栗夫樂平人元末兩舉於鄉皆第一授廣德
學正遭亂放浪江湖間偕宋濂同赴召獻平亂策
命參軍事尋守太平府陳友諒兵至與花雲王鼎
同被執抗罵不屈死贈高陽郡侯

程烈女墓

程家女子十三歲慷慨捐身烈士同奮節直堪山石裂招
魂翻恨井泥空嬰兒撤瑱寧非孝幼婦書碑此更工三尺
孤墳足千古數株松柏自西風

江西詩徵

卷四十二 明四

五

鄭倫

倫字子斐安仁人元末以虞文靖揭文安薦授寶
慶儒學明初應秀才授參贊江淮幕隨征張士誠
有功尋乞病歸自號環谷野人再詔起以年老辭
進言治世當用中和之道太祖嘉納親製古詩賜
之歸旋卒

青山茅屋李元德居

何年李愿歸盤谷火後收書結茅屋青山如龍天際來白
雲時就簷端宿秋風捲處補垂蘿夜雨無聲和鳴竹傍人
錯認孔明廬那用經綸起西蜀

黃惟宏

惟宏字士能新喻人元末中副舉授上猶教諭未
赴歐祥陷新喻惟宏仗義克復兵敗被執得脫間
行謁明太祖一見奇之移書諭祥來降以功授江
西行省郎中從鄧愈征熊平章卒於泰和著有吾
雲集

克復新喻州作

不見征南馬伏波布衣赤手奮天戈愁添白髮書生老散
盡黃金壯士多南國已沾新雨露中原不改舊山河夜瞻
北斗知天近今日三方奏凱歌

洪州贊明太祖作

江西詩徵

卷四十二 明四

五

南通衡嶽極西江坐制羣雄立紀綱神物自天扶赤帝武
功蓋世合真王雙龍寶劍干牛斗萬馬銀鞭耀雪霜早晚
膺圖成大業肯留多士在戎行

熊鼎

鼎字伯穎臨川人元末兵亂結鄉兵自守陳友諒
脅之不應明初贊鄧愈軍除考功博士歷浙江山
東僉事進副使以事左遷岐寧衛經歷爲朶兒只
班所害

長安懷古

立馬平原望故宮關河百二古今雄南山雙闕阿房近北
斗連城渭水通龍去野雲收王氣鶴巢陵樹起秋風英雄

事業昭前指看取秦皇漢武功

上巳日浴溫泉

驪山宮殿鎖溫泉天寶遺蹤故宛然繡谷春融丹井火金波月滿鑑池蓮玉顏承寵專恩澤翠輦來遊惜暮年我亦逢時修禊事白頭空負麗人天

周維翰

維翰字時憲寧州人元元統三年年十四魁江西

鄉薦元季兵亂保障鄉邑明兵至率眾歸附進大明正德領隸都督曹公幕下旋以疾乞歸有周氏華萼集

題老婦騎牛吹笛圖

江西詩徵

卷四十二 明四

毛

楊妃血濺馬嵬坡出塞昭君淚更多何似阿婆牛背穩西風一曲太平歌

張里

里字示仁德興人性篤學步歷羣書明初平僞齊

董戰檻敘功當遷以母老辭有東山集

靜住寺

四山環抱遠一徑入雲深老樹斜穿石頽垣半礙林虛空知佛性清淨空凡心回首煙霞外疎鐘起暮音

葉瓊

瓊字瓊玉貴溪人元末任婺州學正明太祖取婺州凱行省中書召儒士請論經史敷陳治道被首

選將大用之以病歸卒有孝經衍義廣行先賢傳

石坡集

題瑤墟謠

吾宗四五百年餘十里青山昔所居古堞平蕪唐鎮使故家喬木宋題輿春風瓜瓞綿綿遠秋雨蓮芳處處疎珍重溪南有分派白頭猶著一行書

陳汝言

汝言字惟允南康人遷吳徵子汝秩弟少知兵工畫山水與王叔明齊名參張士誠軍頗用事明初官濟南經歷坐法死臨刑請作畫畫畢就戮有秋

水軒集

江西詩徵

卷四十二 明四

天

古詩

皇風去已遠王霸不復論空遺聖經在學者誰能尊物情何溷濁干戈相并吞禮樂既不作安使風俗淳撫几三歎息哀哉吾道淪

蘭

蘭生深山中馥馥吐幽香偶爲世人賞移之置高堂雨露失天時根株離本鄉雖承愛護力長養非其方冬寒霜雪零綠葉恐彫傷何如在林壑時至還自芳

軍中與劉公宣分韻得夜字

日暝川路遙江寒木葉下鳴笳發洳渚偃旆泊清夜蕭蕭南鴈翔耿耿銀河瀉委身照戎事行役豈云暇孰不感所